

**Broj:** 01-472/23

**Mostar,** 27.04. 2023. godine

Na osnovu člana 10. stav (1) i člana 12. stav (3) Zakona o korištenju obnovljivih izvora energije i efikasne kogeneracije („Službene novine Federacije BiH“ br. 70/13 i 5/14 ) i člana 20. Statuta Operatora za OIEiEK („Službene novine Federacije BiH“, br. 89/20 i 101/22), na prijedlog Direktora, Upravni odbor Operatora za OIEiEK, na 28. sjednici, održanoj 27.04.2023. godine usvaja

**NACRT PRAVILNIKA**  
**o izmjenama i dopunama Pravilnika o postupku podnošenja zahtjeva za izdavanje garancije**  
**porijekla električne energije**

**Član 1.**

U Pravilniku o postupku podnošenja zahtjeva za izdavanje garancije porijekla električne energije („Službene novine Federacije BiH“, broj: 101/15), u članu 7. stav (2) mijenja se i glasi:

„(2) Ispunjenost uslova za izdavanje garancije porijekla utvrđuje se pregledom dokumentacije iz stava (1) ovog člana, a po potrebi, i neposrednim uvidom u rad proizvodnog objekta.“.

**Član 2.**

(1) U članu 8. dodaje se novi stav (3) koji glasi:

„(3) Prilikom prvog izdavanja garancija porijekla električne energije, vremenski periodi iz stava (2) ovog člana se primjenjuju počevši od prethodnog kalendarskog mjeseca u odnosu na datum registracije postrojenja u Registar garancija porijekla električne energije.“.

(2) Dosadašnji stavovi (3) i (4) postaju stavovi (4) i (5).

**Član 3.**

Član 14. mijenja se i glasi:

„Član 14.

(Prenos garancija porijekla električne energije)

- (1) Kvalifikovani proizvođač koji sa Operatorom za OIEiEK nema sklopljen ugovor o otkupu električne energije, može prenijeti garanciju porijekla na snabdjevača, koji dalje putem informacije obavještava krajnje kupce električne energije o porijeklu iste iz obnovljivih izvora energije.
- (2) Snabdjevač iz stava (1) ovog člana na kojeg se vrši prenos garancija porijekla, prije prvog prenosa, podnosi Operatoru za OIEiEK Zahtjev za registraciju snabdjevača na kojeg se vrši prenos garancija porijekla na Obrascu GP-3, iz priloga broj 3 ovog Pravilnika.

- (3) Uz zahtjev iz stava (2) ovog člana, na uredno popunjenom obrascu GP-3, snabdjevač dostavlja, u originalu ili ovjerenom kopiji važeću dozvolu za snabdjevanje električnom energijom i potvrdu o identifikacionom broju poreznog obveznika (UIO).
- (4) Operator za OIEiEK snabdjevaču iz stava (1) ovog člana dodjeljuje jedinstvenu šifru i kreira korisnički račun u Registru garancija porijekla.
- (5) Operator za OIEiEK vrši prenos garancija porijekla na osnovu zaprimljenog Zahtjeva za prenos garancija porijekla električne energije. Zahtjev za prenos garancija porijekla podnosi kvalifikovani proizvođač putem elektronske pošte na obrascu GP-4, iz priloga broj 4 ovog Pravilnika“.

#### Član 4.

Član 15. mijenja se i glasi:

„Član 15.

(Poništenje garancija porijekla električne energije)

- (1) Snabdjevač električne energije na kojeg su prenesene garancije porijekla obavezan je da zatraži poništenje garancija porijekla električne energije, kojima je dokazao udio električne energije dobijene iz obnovljivih izvora energije u ukupnoj isporučenoj električnoj energiji.
- (2) Obavezu iz stava (1) ovog člana snabdjevač izvršava putem elektronske pošte podnošenjem Naloga za poništavanje garancija porijekla na Obrascu GP-5, iz priloga broj 5 ovog Pravilnika.
- (3) Nakon provjere ispravnosti zaprimljenog Naloga za poništavanje garancija porijekla, te verifikacije potrebnih podataka za poništenje, Operator za OIEiEK, u roku od 15 dana, na korisničkom računu snabdjevača iz stava (1) ovog člana vrši poništenje garancija porijekla i o tome izdaje potvrdu snabdjevaču.
- (4) Potvrda iz stava (4) ovog člana snabdjevaču služi u svrhu dokazivanja kupcu da mu je isporučio električnu energiju iz OIE u iznosu koji je naveden u potvrdi.“.

#### Član 5.

Iza Priloga broj 2 ovog Pravilnika, dodaju se Prilog broj 3, Prilog broj 4 i Prilog broj 5.

#### Član 6.

Ovaj pravilnik stupa na snagu danom objavljivanja u „Službenim novinama Federacije BiH“.

